



Cumün d'Ardez

Sezzüda da la suprastanza nr. 08/09 dals 14-04-2009

Preschaints: la suprastanza cumünala e la chanzlista

S-chüsats: Claudio Franziscus

Tractandas:

- | | | |
|----|---|-----|
| 1. | Approvaziun dal protocol dals 24-03-2009 | |
| 2. | Orientaziun ouvra Tasnan | 562 |
| 3. | Indriz da projecziun sala cumünala | 563 |
| 4. | Posiziun a regard mantegniment da la posta in cumün | 564 |
| 5. | Organisaziun da la prosma radunanza | 565 |
| 6. | Büro electoral per las votumaziuns dals 17 mai 2009 | 566 |
| 7. | Plazza da giovar sün scoula | 567 |
| 8. | Lavuors da fabrica | 568 |
| 9. | Orientaziuns e varia | |

1. Approvaziun dal protocol dals 24-03-2009

Il protocol dals 24-03-2009 vain approvà davo avair fat ün pêr müdamaints.

PROVEDIMAINTE D'ENERGIA

08.

2. Orientaziun ouvra Tasnan

562

Il capo orientescha cha als 8 avrigl 2009 haja gnü lö la sezzüda culla COET (Consozi ouvra electrica). Il capo preschainta duos glistas chi d'eiran part da las trattativas dals 8 avrigl 2009 ed orientescha a regard las trattativas. Il schef infrastruttura spiega cha la COET nu possa al mumaint far quint cun üna contribuziun KEV causa cha quellas contribuziuns sun a fin. Quai nu müda però l'intenziun da far il proget. La pussibilità cha quistas contribuziuns vegnan darcheu in vigur es avantman. Implü spiega'l cha our da quel motiv haja la COET eir fat propostas sainza KEV als cumüns da Ftan ed Ardez. Preschantats sun gnüts 3 models als delegats dals cumüns. Il schef infrastruttura preschainta il model 3 chi'd es gnü preferi dals cumüns. Il cusgliader da la NOK sto preschantar ils resultats da las trattativas amo a la direcziun da la NOK, la resposta es previssa per gün 2009. Our da quist motiv e causa chi fa dabsögn da temp per surlavurar ils contrats e preparar l'orientaziun eir cun ün fögl volant nun esa pussibel da far la radunanza sco previs. Nouv sun premissas üna radunanza d'orientaziun als 3 avuost 2009 ad Ardez e la radunanza a Ftan ed Ardez als 25 avuost 2009.

Organisaziun, EED

16.09.3

3. Indriz da projecziun sala cumünala

563

Il capo orientescha cha'l beamer saja gnü donnagià cun demontar dal plafond in sala cumünala. El fa la proposta da cumprar ün nouv beamer per l'adöver in sala cumünala. Quel dess gnir montà fix vi dal plafond e gnir utilisà be amo in sala cumünala. Il beamer donnagià es gnü cumadà. Per adövers our d'sala cumünala dess gnir utilisà il beamer vegl. Il nouv beamer vain eventualmaing surtut d'üna sgüranza.

Decisiun: La suprastanza cumünala conceda il credit per la cumprita d'ün nouv beamer.

MANSTERANZA, COMMERZI, INDUSTRIA

20.

4. Posiziun a regard mantegniment da la posta in cumün

564

Il capo orientescha chi saja gnüda lantschada üna petiziun dal sindicat per comunicaziun cunter il serrar las postas. Illas medias s'haja pudü leger cha eir la posta d'Ardez sarà üna da quellas 500 chi vegnan "examinadas". Il capo fa la proposta d'orientar la populaziun d'Ardez eir in ün Mas-chalch sur da quista petiziun, da ramassar e da scumpartir in chanzlia la petiziun. Cun quai chi'd es avisà eir ün'orientaziun dal management dal concern da la posta esa amo da spettar avant co publicar.

Decisiun: La suprastanza cumünala decida da publicar i'l Mas-chalch, da ramassar e scumpartir in chanzlia la petiziun. Da spettar esa amo sün l'orientaziun uffiziala davart da la posta.

ORGANISAZIUN CUMÜNALA

16.

5. Organिसaziun da la prosma radunanza

565

Il capo orientescha cha'l büro fiduziari Lischana haja revis il rendaint 2008. Il rapport dals revisuors manca amo. Il capo propuona da far la sezzüda culla cumischiun sindicatoria als 19 mai 2009. La radunanza es previssa pels 26 mai 2009, in quella radunanza dess gnir decis eir a regard credit pella rait electrica Ardez ost, las controllas pulizialas, implü dess gnir orientà a regard uorden da parcar.

6. Büro electoral per las votumaziuns dals 17 mai 2009

566

Il capo orientescha a regard las votumaziuns dals 17 mai 2009 ed orientescha ch'el nu saja preschaint als 17 mai 2009. Implü orientescha'l chi saja d'eleger il büro electoral.

Decisiun: La suprastanza cumünala elegia la scheffa educaziun e la chanzlista per las votumaziuns dals 17 mai 2009.

Implants publics

33.06

7. Piazza da giovar sün scoula

567

La scheffa educaziun orientescha cha'l cussagl da scoula haja fat la dumonda per pudair renovar la piazza da giovar sün scoula. Ün'offerta dals giarsuns dal forestal s'amunta a fr. 50'000.00. La suprastanza cumünala constata chi nu d'eiran gnüdas büdschettadas ingünas investiziuns per quel scopo. La suprastanza cumünala fa la proposta, cha'l cussagl da scoula e'ls interessats dessan preschantar ün proget concret cun preventiv da cuosts. Üna eventuala renovaziun po gnir büdschettata pür i'l preventiv 2010.

Decisiun: La suprastanza cumünala decida chi dess gnir preschantà ün proget d'üna simpla piazza adattada ed i'l rom da grondezza chi sta a disposiziun, cun preventiv da cuosts per pudair preschantar cul büdschet 2010 a la radunanza.

VIAS

33.

8. Lavuors da fabrica

568

Il vice-capo orientescha chi til haja dat in ögl, cha pro tschertas lavuors da fabrica süllas vias e.u.i. vegna resguardà per regla be ün'impresari. El es da l'avis chi's stess resguardar tuot las interpraisas da fabrica ad Ardez i'l listess rom. Il manader tecnic dess coordinar la surdatta da las lavuors uschè chi vegnan resguardadas tuot las interpraisas da cumün.

Decisiun: La suprastanza cumünala decida chi ston gnir resguardadas tuot ils impresaris da fabrica ad Ardez i'l listess rom.
--

9. Orientaziuns e varia**9.1 Radunanza generala Chüra d'uffants**

Il capo orientescha chi haja lö als 27 avrigl 2009 la radunanza generala da la chüra d'uffants. Il capo piglia part a quista radunanza.

26-05.-09

In buna fai

La chanzlista:

Il capo: